



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Prima Monasterii Schöftlariensis Fvndatio.

urn:nbn:de:hbz:466:1-13591

na retributione dono Hachingen & Puelocham, Actum in monasterio sancti Dionysij, sub oppido villæ, quæ nuncupatur Skeftlari, publicè: Testis Orendil Comes, sexto Idus Augusti, anno VI, Imperij Domini nostri Caroli Magni Imperatoris, Regni eius in Francia 38. &c.

VASTATVM est hoc Monasterium per Vngaros, sicut & cætera, restitutum deinde per Heinricum Ducem Bauariæ & Ottonem Episcopum Frisingen. fratres, diui Leopoldi Austriaci filios, qui loco Benedictinorum substituerunt Præmonstratenses, Anno 1140. Ioan. Auentin. in Annalibus fol. 630. in fine obscure, ac non satis correctè de hoc & aliis tribus Mon. habet; in Boiaria dum hæc ædes sacræ dedicantur, Heinricus Dux Boius, Otto frater eius, Episcopus Fruxinensis, in superiore Boiaria quatuor templa sacrarunt, de integro ædificant extra mœnia Fruxinen. oppidi Præmonstratis Neostephotam, Sylurnum, Schlechdorf, Schaphulariam, olim ante annos amplius 300. conditam, sub Tesselono III. diui Benedicti sacris iniciatam, ab Vgris euersam reficiunt; mystis popularibus Augustinianis Nardobertinis dicant, &c. Originale seu Autographum habet condita, initiata, euersa; alias ad Schefflarn solum fieret relatio, quod non quadrat, cum Schliers Monast. quoque sub Tesselone sit conditum, idem Auent. fol. 303. Item ab Vngaris euersum fol. 482. Schlechdorf antea sub Vtilone fol. 292. euersum quoq; fol. 482. Est ergo sensus, quod Neustift de nouo ædificarunt, alia tria Monast. refecerunt, &c.

CONRADVS de Sachsenhausen eligitur ibi in Præpositum, anno 1320. optimè administravit, restauravit pleraq; ac multa prædia emit. ob. an. 1346.

IOANNES Præpositus optimam Parochiam in Scheuring Dominij Liechtenbergensis iuxta Lycum, vna cum decimis acquisiuit, ac Monasterio incorporauit, vt vocant.

NOBILES ibi sepulti, Schvveickerus de Gundelring in ambitu ibi, inscriptio illius lapidis, propter vetustatē non est legibilis, Vixit autem hic Schvveickerus, circa an. 1350.

DE Bairpron vicino castro, Conradus vltimus illius familiæ, vnus ex præcipuis militiæ Ducibus Ludouici quarti Imperatoris, ibi in capella Parochia anniuersarium & Missam quotidianam instituit, cum vxore sua de Preising, qui obiit an. 1333.

RHELINGERI de Haldenberg, prope Lycum Parochiani Scheuringenses sepulti ibi in ambitu.

ADDITIONES.

PRIMA MONASTERII SCHÖFTLARIENSIS FVN DATIO.

DOMINO nostro Iesu Christo protegente & adiuuante. Ego indignus presbyter Waltrich cogitans cogitavi pro remedio animæ meæ, cum licentia Illustrissimi Ducis Bauuariorum Thassilonis in propria hereditate mea cepi ædificare Ecclesiam Dei in loco Peipinbach sub villa nuncupata Scëftlari, propè flauium Isuræ. Ipsa enim ædificata Ecclesia quam ego ipse manibus meis fundavi, Aduocaui Iosephum Episcopum, vt ipsam dedicaret ecclesiam. Adueniente Venerabili Episcopo, interrogabat me coram omnibus cohæredibus meis, si aliquis eorum mihi hoc contradicere voluisset peragendum, vel quomodo eam hereditare voluissē. Parentibus enim meis pari deuotione con-

Metrop. Salub. Tom. III.

bb 2

fen-

sentientibus addidi etiam alias duas Ecclesias Dihingas, & ad Ehapal dingas, & meipsum, & quicquid habui ad ipsam Ecclesiam tradidi, & firmiter in omnibus confirmaui. Dedicatâ autem Ecclesiâ accessi, & profunis signo tradidi eam in manus Iosephi Episcopi, vt in æuum permansisset ad Domum sanctæ Mariæ ad Frisingas, vt nos & Fratres nostri ibidem habuissimus Caput & Tuitionem capitis. Ipsum autem Oratorium dedicatum est in honore sancti Dionysij in Calendis Nouembris. Et statui tam pro me & pro parentibus meis & cohæredibus, vt pro remedio animarum nostrarum ibidem perpetualiter permansisset cum omnibus acquisitionibus meis, cum mancipiis & pecoribus & ædificiis, pecuniis, terris, syluis, cultis & incultis, ruribus pratis, pascuis, aquis, aquarumque decursibus, omnia in omnibus firmiter tradidi & confirmaui ad prænotatam Domum Dei. Regnante Domino & Illustrissimo Duce nostro Thafilone. Anno XXV. Indictione. XV. Isti sunt testes. Atto, Frater eius Pippi, Alprich, Cundhart, Reginhart, Mandelker, Isenker, Meio, Erganol, Oadelker, Adalgart, Starkolf, Toto, Deotmar, Fritilo, Helmker, Herideo, Vrfo, Sundarhere, Egino, Altrich, Oasrich, Sicco, Richbald, Deotmar, Perchtolt, Icho, Ezzilo, Fricho.

TRADITIO PETTONIS EPISCOPI
DE HÄCHINGEN.

SACROSANCTO Monasterio sancti Dionysij quod est constructum in Regno Francorum, in Ducatu Baiuoriarum, super fluuium qui dicitur Ilura, vbi Venerabilis Vir Petto Episcopus seu Abbas ad regendum præesse videtur.

Ego ipse Petto Episcopus & Abbas, cogito primùm ob Dei timorem seu pro peccatis meis minuendis, atque pro æterna retributione dono ad ipsam Ecclesiam S. Dionysij à die præesente, donatumque in perpetuum esse volo, hoc est, res proprietatis meæ in villa quæ dicitur Hachinga, & mancipia his nominibus. Wenilo & Adelsvind cum infantibus eorum Othelm, Adelm, Hleokelt Gozind, & alia mancipia. Luibrat, Heribirck, Druchst, Ottmunt cum infantibus suis, vel quicquid de genitore meo ad me peruenit, tam mansis, campis, pratis, syluis, pomiferis, aquis, aquarumque decursibus, exitibus & regressibus, cultum vel incultum, omnia in omnibus, totumque integrum. Similiter dono in ipsa Villa Hachinga, quicquid de Helfrico comparauit, mancipiis vel mansis, campis, pratis, syluis, pomiferis, aquis, aquarumque decursibus, exitibus & regressibus, cultum vel incultum, omnia in omnibus, totumque integrum. Similiter dono & in villa quæ dicitur Puoloch, quicquid de Folkero & filio suo Milone comparauit, tam mansis, campis, pratis, syluis, pomiferis, aquis, aquarumque decursibus, exitibus & regressibus, cultum vel incultum, omnia in omnibus, vel de quocunque ingenio ad me peruenit, vel peruenire poterit ad integrum, vt quicquid exinde agentes sancto Dionysio facere voluerint, in eorum maneat potestate, nulloque contradicente. Si quis aut ego quod fieri non

non